

DISSERTATIO IVRIDICA INAVGVRALIS,
DE
**FEVDI PER VASALLVM
ALIENATI PRAESCRIPTIONE
CONTRA DOMINVM
DIRECTVM,**

QVAM
PRO LICENTIA
SVMMOS IN VTROQVE IVRE HONORES DOCTORALES
RITE CONSEQVENDI,

DIE XXVII, IVNII ANNO CIO IO CCL

SVBIEIT

IACOBVS HENRICVS ZOLL,

HVIVS ERNESTINAE PROFESS. IVR. EXTRAORD.
EIVSDEMQUE SYNDICVS,

RESPONDENTE
IEREMIA PRESCHER,

HASSO-CASELLANO.



IENAE,
REC. PER IO, BERNH, HELLERVN, 1746.



§. I.

Quemadmodum ex natura feudi, e-
jusque generali definitione, (quod
sc. sit concessio dominii utilis sub
lege fidelitatis *Dn. Stryck. Exam. Jur. Feud. c. 2. q.*
11.) aperte constat, feudum inter dominum ac va-
sallum hoc modo quasi divisum esse, ut Domino
directum dominium seu proprietas remaneat, ad
Vasallum vero utilitas & fructuum ex re feudali
perceptio transeat, hujusque jus intra terminos u-
tilis dominii concludatur, *2. feud. 8. 23. & 43.*
Struv. cap. 12. th. 9. num. 1. Ita ad similitudinem
rei divisæ prono quasi alveo fluit, nec Dominum
circa utilitatem, nec Vasallum circa dominium di-

rectum ullo modo disponere posse, & quia nihilominus inter Dominum & Vasallum ratione feudi, ab utraque parte considerati, est connexio & correlatio quædam, ita, ut, quamvis hic de utili, ille de directo tantum dominio disponat, facile tamen alteri per alterum iniqua conditio inferri possit, hinc neutri quoque in suo aliquid facere permissum est, ex quo alteri præjudicium aut detrimentum probabiliter oritur, vel metuendum est. *2. feud. 8. §. 1. in fin.*

§. II. Cum autem nihil magis periculosum sit, & quod Domino feudi facilius damnum inferre possit, quam feudi à Vasallo in extraneum facta alienatio, quippe qua causam connexionis inter se ac Dominum dissolvit, proindeque fidelitatem & debitam servitiorum præstationem respuit ac denegat, imo jus domini plane interverendi ac delendi causam & occasionem præbet; Hinc Constitutiones Impp. Lotharii *2. feud. 52.* Conradi *2. feud. 40.* Friderici *2. feud. 55.* antiquum jus Longobardicum (quod Vasallis, necessitate svidente, feuda sua etiam in scius dominis alienare permittebat, *2. feud. § 44. Struv. cap. 13. thes. 1. num. 1.*) immutarunt, & omnes hujusmodi alienationes, absque consensu dominorum factas, tan-

tanquam illicitas prohibuerunt, inducunt enim ex his alienationibus contemptum Domini, qui feodioniam involvit *2. feud. 24. in fin.* Adeoque si Dominus huic alienationi contradicit, & rei feudalis evictionem instituit, alienatio illa est ipso jure nulla *Schrad. p. 8. cap. 1. num. 3.* & Vasallus jure suo cadit, beneficium amittit, & si quod accepit, pretium restituere tenetur *per text. allegat. Struv. 12. th. 9. cap. 13. th. 1.* & id haecenus omnes uno ore loquuntur Feudistæ, nec ullus hac de re inter eos est dissensus.

§. III. Dictum est §. *præcedente*, quod alienatio per Vasallum, inscio Domino facta sit ipso jure nulla, sed, hoc ita se habente, quaeritur: An hæc nullitas per aliquod temporis spatium sanari, seu, an feudum hoc modo absque consensu Domini alienatum, contra hunc à possessore præscribi possit? Sunt, qui affirmant, sunt, qui negant; fundamentum autem discordiæ in text. *2. feud. 40. & 55.* positum esse evidentissimum est: Nam hi, quorum negativa est sententia, pro ratione decidendi ponunt verba dd. textuum: *Nulla obstante præscriptione*: item: *Nullius temporis præscriptione impediante*: ac volunt, verba hic generaliter, & absque exceptione concepta, generaliter

A 3

quoque

quoque esse intelligenda. Illi, qui affirmativam defendunt, iniquum esse putant, Dominum feudi ab omni præscriptione excipere, & contra Juris Gentium & Civilis rationem & fundamenta rerum dominia semper in incerto relinquere, imprimis, si concurrente Domini negligentia Vasallus, in bona fide constitutus, feudum tanquam suum alienavit, simulque is in quem alienatio facta est per longissimum tempus similiter bona fide possedit, ita, ut omnia præscriptionum requisita adsint. Ex his diversis rationibus diversæ Feudistarum decisiones ortæ sunt, & præterea, quia hæc quæstio ab utraque parte diversimode limitatur & distinguitur, fere tot de ea adsunt opiniones, quot de hac materia scripserunt Doctores, *vid. Struv. c. 13. th. 10. num. 4. Rittersbus. Partit. Jur. Feud. lib. 1. c. 18. quæst. 13.*

§. IV. Mihi placet, præscriptionem feudi, per Vasallum alienati, non obstantibus Friderici aliorumque Impp. Constitutionibus, contra Dominum procedere, ita tamen, ut utile Dominium 30. annis, directum vero tempore tantum immemoriali præscribatur.

§. V. Ad minimum enim in omni præscriptione feudali, siue Domino, siue Vasallo, siue agnatis

gnatis opponatur 30. anni requiruntur, siquidem Longobardi minoris temporis nullam agnoscunt. 2. feud. 26. §. *Si quis per triginta. Vultej. c. 9. num. 4. & 5. Rittershus. lib. 1. c. 18. qu. 16. Luduv. pag. 174. Struv. cap. 8. tb. 12. num. 3. Rosenthal. c. 6. Concl. 78. Dn. Stryck. c. 11. qu. 7.* Dissentit quidem Schrader. p. 5. c. 4. num. 3. & 11. putans, secundum bonæ fidei possessorem, titulum habentem, contra Dominum æque ac Vasallum spatio 10. vel inter absentes 20. annorum præscribere; sed quia num. 9. ipse fatetur, primum b. f. possessorem, qui sc. causam suæ possessionis à Vasallo habet, non nisi 30. annis præscribere, non video rationem tantæ diversitatis, & quare plus juris habere & citius præscribere possit secundus, quam primus bonæ fidei possessor, hoc enim modo Domini per factum alterius deterior reddi posset conditio, cui accedit, quod ita primus possessor plus juris in secundum transferre posset, quam ipse haberet, quod tamen fieri nequit per l. 54. ff. de R. I.

§. VI. Solus autem temporis lapsus non præscribit, l. 29. ff. de R. I. c. non firmatur de R. I. in 6. sed accedere debet bona fides; nulla enim præscriptio Jure Feudali absque bona fide procedit 2.
feud.

feud. 87. Rosenthal. cap. 6. Concl. 77. num. 9. sed ad similitudinem Juris Canonici in c. ult. X. de Prescript. omnem malam fidem respuit : ita enim Imp. Lotharius : Inter Dominum, inquit, & Vassallum nulla fraus nec ullum malum ingenium debet intervenire, 2. feud. 52. §. 3. Si ergo ne quidem fraus vel malum ingenium, inter Dominum ac Vassallum intervenire debet, multo minus per fraudem ac dolum Vassallus effici, ac feudum acquirere potest ; Imo clara admodum verba textus 2. feud. 87. habet, quæ hæc sunt : Si vero malam fidem (scilicet, præscribens) habuerit, nulla se poterit tueri præscriptione : & quamvis hic textus non sit omni exceptione major, apud omnes tamen in confesso est, capitula ordinaria in passibus obscuris & ambiguis per extraordinaria declarari. Hartmann. Pistor. 2. qu. 13. num. 59. accedit constitutio Friderici 2. feud. 55. verbis : quadam collusione : quæ aperte malam fidem indicant, nulla enim absque mala fide est collusio. Et hinc absque solida ratione dissentit Schrader. p. 5. c. 4. n. 4. defendens, malæ fidei possessorem 30. annis feudum præscribere, modo alienans in bona fide fuerit, nullum enim hanc in rem ex Jure Feudali allegat textum, sed opinionis suæ probationem ex Jure Civili aliisque Auctoribus, ibi.

ibidem citatis, desumit, quorum tamen in explicandis Longobardorum consuetudinibus exigua est auctoritas; interpretatur quidem textum 2. *feud. 26. §. si quis de malæ fidei possessore*, led hunc de bonæ fidei possessore agere, eadem facilitate defendi posse existimo, verba enim hæc sunt: *Si quis per triginta annos rem aliquam ut feudalem (i. e. putans esse feudalem) possedit*: quæ bonam fidem satis arguunt. Denique etiam quoad præxin quæstio hæc est nullius momenti, cum in decidendis præscriptionum controversiis Jus Canonicum sequamur. *Struv. cap. 8. lib. 12. num. 3. Mynsing. 4. obs. 6. num. 4.* quod semper bonam fidem requirit *c. 5. 7. & ult. X. de Præscript.*

§. VII. Circa possessionem vero notandum est, quod ex qualitate possessionis judicetur qualitas præscriptionis; si quis ergo rem allodiamalem ut feudum præscribere vel acquirere vult, tales actus possessionem concomitare necesse est, ex quibus qualitas possessionis feudalis cognosci potest, id est præscribens tenetur Domino servitia præstitisse, ut de animo possidentis constet. *Stryck. cap. 11. qu. 10. & ex eo tempore currit præscriptio.* Sufficit tamen exhibitio servitiorum, & ne Vasallus sit in mora quin servitia exhibita simul etiam sint præstita

præstita *Vultej. cap. 9. num. 15. in fin.* notandum est
 2. quod possessio debeat esse continuata, seu non
 interrupta, & in uno eodemque Vasallo & Domi-
 no: contingente autem mutatione vel à parte Do-
 mini, vel à parte Vasalli, hic investituram petere
 debet, alioquin tempora sui antecessoris cum suis
 conjungere non potest, quia sine investitura pos-
 sessio feudalís non continuatur. *Dn, Stryck. cap.*
11. quest. 5.

§. VIII. Hoc itaque modo feudum acqui-
 ritur seu præscribitur & Dominus invitus cogitur
 Vasallum recipere & investire, nec ad rem facit an
 præscribens titulum habeat, sicut enim præscriptio
 servitutis titulum non requirit *l. 10. ff. si servit.* Ita
 quoque feudum, ut species servitutis, in generali
 significatu sumitur, absque titulo præscribitur, ex
 tanto enim temporis cursu, una cum præstatione
 servitorum & bona fide possidentis præsumitur,
 præscribentem hanc rem Domini voluntate, qui
 titulo æquivaleret, habere, atque eum hac de re in-
 vestitum esse *Schrad. p. 5. cap. 4. num 10. in fin.*
 Nec mala fides Vasalli alienantis obstat, uti qui-
 dam volunt; sicut enim hic, qui per 30. annos ser-
 vitia bona fide præstitit, Jus Feudi per proprium
 factum acquisivit, ita ipsi mala fides alterius noce-

re nequit, factum enim cuique suum non alienum nocet l. 74. l. 115. ff. de R. I.

§. IX. Deducto eo, quod circa præscriptionem Dominii utilis à Vasallo alienati obtinet & requiritur, proponam contra sententiarum argumenta, quorum primum est, quod delimitur ex verbis textuum 2. feud. 40. & 55. *Nulla obstante præscriptione* : Item : *Nullius temporis præscriptione impediante* : ex quibus defendi atque concludi vult, tricennalem præscriptionem indistincte Domino non obstare. *Andr. ab Isern. de Prohib. feud. alien. per Frideric. Matth. de Afflict. in §. præterea de cap. Conrad. Fachin. lib. 7. Controv. Jur. cap. 61. Giphart. tr. de Feud. sub cap. de Præscript. Feud. Jul. Clar. in §. Feud. quæst. 45. num 2. Hermann. Vultej. cap. 9. num. 20. Francisc. Sonsbec. de Feud. p. 12. num. 156. & seqq. Bernhard. Græv. lib. 2. Conclus. 160. num. 2. Rittersbusf. part. Jur. Feud. lib. 1. cap. 18. q. 13.* Et quamvis quod dominium directum cum his quodammodo consentiam, atamen quoad dominium utile, horum pace, quorum eruditionem admiror, memoriamque veneror, longe alia mihi mens est. Sicut enim hi textus non loquuntur de alienatione dominii utilis, ita nec circa hujus præscriptionem disponunt ;

quod tanto clarius fiet, si verba textuum 2. feud. 40. & 55. huc referantur, quorum tenor in cap. 40. hic est: *Rex Conradus constituit, ut liceat Dominis omnes alienationes feudi factas, nulla obstante prescriptione revocare*; Hic textus speciem aliquam præ se fert, sed quia causam & rationem decilionis reticet, ex altero textu qui 2. feud. 55. exstat, erit explicandus, cujus verba hæc sunt: *A Principibus Italicis, inquit Imperator Fridericus, tam Rectoribus Ecclesiarum quam aliis fidelibus Regni, non modicas accepimus querelas, quod beneficia eorum & feuda quæ Vasalli ab eis retinebant, sine Dominorum licentia pignori obligaverant & quadam collusione nomine libelli vendiderant: unde debita servitia amittebant: & honor Imperii & nostræ felicitis expeditionis complementum minuebatur. Habito ergo consilio Episcoporum, Marchionum &c. hac edictali Deo propitio perpetuo valitura lege sancimus, ut nulli liceat feudum totum vel partem aliquam vendere, vel oppignorare, vel quocunque modo distrabere seu alienare vel pro anima judicare, sine permissione illius domini, ad quem feudum spectare dignoscitur. Unde Imperator Lotbarius tantum in futurum præcavens ne fieret, legem promulgavit; Nos autem ad pleniorē rei utilitatem providentes,*

tes, non solum in posterum sed etiam hujusmodi alienationes illicitas hactenus perpetratas, hac presentis sanctione cassamus & in irritum deducimus, nullius temporis prescriptione impediende: quia quod ab initio de jure non valuit, tractu temporis convalescere non debet.

§. X. Communis atque generalis est regula, omnia jura & actiones 30. annis praescribi. *l. 3. l. 4. Cod. de Praescript. 30. vel 40. ann. & Dd. comm. in dd. ll. 2. feud. 9. §. porro. 2. feud. 26. §. si quis.* & haec in omnibus rebus praescribendis procedit, nisi haec vel illa per specialem legem sit privilegiata, & ab hac communi norma exempta; ubi tamen bene notandum, quod illa exemptio per speciales constitutiones facta non possit ac debeat extendi ultra casus in ipsa constitutione exemptos. Inspectis itaque penitus verbis textus, facile constabit Imperatorem per illam sanctionem Juri communi quasi derogare, & Domino privilegium aliquod contra communem praescribendi modum impertiri voluisse, hinc quoque hoc privilegium seu exemptio ultra casus & res in ipsa exemptione contentas extendi non debet. Jam ipsa haec Imp. Constitutio clarissime demonstrat, hic neque agi neque decidi de praescriptione utilis domi-

nii, sed tantum directi, quod ita probo: Per quam præscriptionem dominus servitia non amittit, nec honor imperii nec felicitis expeditionis Imperatoris complementum periclitatur & minuitur, de illa dicta constitutio Imperatoria non agit, atqui per præscriptionem Dominii utilis Dominus neque servitia amittit, neque honor Imperii &c. periclitatur, Ergo de præscriptione Dominii utilis dicta constitutio non agit: Minor per se est clara, majorem autem iterum probo ita: Imperator Fridericus conqueritur: Se multas à Dominis feudi accepisse querelas, quod Vasalli absque consensu eorum feuda sua alienaverint, ita, ut *Domini debita servitia amitterent &c.* & ex hac ratione in subsequentibus verbis: *Nullius temporis præscriptione impediante*: Præscriptionem contra dominum prohibere voluit, unde fluit, quod cessante hac ratione tanquam anima legis, ipsa quoque lex atque ejus dispositio cesset, quod vero hæc ratio, *ne Domini servitia amittant*, in præscriptione dominii utilis cesset, probatione non indiget, adeoque concludo, de hujus sc. utilis Dominii præscriptione Imperatorem non disposuisse, *vid. Rosenthal. c. 9. Conclus. 97. num. 8.* sed illud instar aliarum rerum & actionum 30. annis præscribi.

§. XI. Urgentur porro à contra sentienti-
bus verba huic constitutioni in fine adjecta : *quod
enim ab initio vitiosum est, tractu temporis conva-
lescere non debet* : & volunt alienationem Domi-
nii utilis tractu temporis convalescere non posse,
quia est contra leges adeoque vitiosa ; quod qui-
dem concedo, si alienatio facta sit collusione qua-
dam, de qua textus loquitur, tunc enim propter
deficientem in præscribente bonam fidem non
convalescit vitium contractui & feudo alienato
inhærens, non vero eadem est ratio & decisio, si
bona fides aliaque adminicula accedunt, per quæ
actus ab initio invalidus confirmari potest ; hic
enim est sensus *l. 29. ff. de R. I.* quod scil. *solum tem-
pus*, sine alterius causæ adminiculo actum ab ini-
tio invalidum confirmare non possit. *Bronchorst.
ad d. l. 29. & Dd. comm. in c. non firmatur de R. I. in
6.* alioquin omnis usus & finis præscriptionum
cessaret, natura enim præscriptionis imprimis
longissimi temporis hæc est, ut per eam purgetur
vitium, quod alioquin rei alienatæ vel contractui
ipso inhæret. Deinde quoque §. *præcedente* mon-
stravi, hanc constitutionem nihil disponere de u-
tili Dominio non præscribendo, adeoque nec hæc
verba trahenda sunt ad casus, inibi non expressos.

§. XII.

§. XII. Jam ad alterum hujus dissertationis membrum progredior, nempe ad præscriptionem dominii directi, & dixi §. 4. præscribi tempore tantum immemoriali, tanto enim temporis spatio cujus in contrarium memoria non extat indistincte, quodlibet feudum & contra quemlibet, tam Dominum quam Vasallum, agnatosque præscribitur. *arg. c. super quibusdam §. præterea X. de V. S. c. 1. de Prescript. in 6. Schrader. p. 5. c. 4. num. 2. & seqq.* & est loco tituli, loco concessionis & constituti l. 3. §. 4. ff. de Aqua quotid. & per hanc regalia majora & minora l. ult. Cod. de Fund. patrim. Richter. 1. Dec. 21. num. 52. Struv. Exerc. 43. thes. 24. immunitates à functionibus publicis l. 4. l. 6. Cod. de Prescript. 30. vel 40. ann. & omnes aliæ res, ad quas præscribendas longissimum tempus & aliæ præscriptiones non sufficiunt, præscribuntur Struv. d. l. Nec immerito diverso & longiore tempore præscribitur Dominum directum quam utile, sicut enim per præscriptionem vitium aliquod rei præscriptæ inhærens purgatur, ita omnino sequitur, ut quanto enormius sit vitium illud, quod purgari debet, tanto prolixius ad hoc purgandum requiratur tempus, quemadmodum autem Dominio directo per Vasallum alienato duplex inhæret vitium,

tium, nimirum alterum, quod oritur ex speciali legis prohibitione, ne scilicet Vasalli absque consensu Dominorum feuda sua alienent. *2. feud. 52.* alterum quod ex natura cujuscunque alienationis, quæ plenum dominium & rem alienantis propriam esse requirit, obvenit, ita certe ad hoc præscribendum longius spatium requiritur, quam ad præscriptionem utilis dominii, quod Vasallus non ut alienum, sed ut suum alienare potuit, nisi ipsi consuetudines seu leges Longobardicæ obstarent, & hoc modo simplex tantum vitium, quod solummodo ex prohibitione legis oritur, contractui & rei alienatæ inhæret, ad quod purgandum 30. anni sufficiunt, quibus præterlapsis Dominus sibi & negligentia suæ imputet, cur tricennali silentio jus suum neglexerit, cum scire debuisset jura vigilantibus esse scripta.

§. XIII. Requirit tamen hæc præscriptio immemorialis bonam fidem secundum ea quæ dixi §. 6. *Rosenthal. c. 9. Conclus. 97. num. 37. in fin.* quæ nihil aliud est, quam ignorantia rem alienam esse *l. 109. ff. de V. S.* & hæc in præscriptione longissima semper præsumitur, nisi contrarium sit manifestum ac notorium, & mala fides probari possit. *Dn. Stryck. Exam. Jur. Feud. c. 11. quest. 9. Struv.*

c. 8. th. 12. num. 3. Deinde possessio ita quoque comparata esse debet, ut ex ea de animo præscriptoris constare possit, nimirum in hac præscriptione ea, quæ alioquin ad præscriptionem qualitatis feudalis requiruntur, cessare debent, & præscriptorem nulla servitia præstitisse, nec ea de re investitum fuisse, nec alieno, sed suo nomine tanquam propriam & allodiam possedisse oportet.

§. XIV. Potissimum vero huic sententiæ obstare videntur verba dd. Constitutionum Conradi & Friderici Imp. *Nulla obstante præscriptione: Nullius temporis præscriptione impediēte.* Sicut enim sublato genere tolluntur species, ita omni præscriptione prohibita etiam hæc immemorialis prohibita & sublata censetur; Verum, hoc non obstante, dominium directum immemoriali tempore præscribitur, nec dd. Constitutiones ad hanc cujus in contrarium memoria non extat præscriptionem sunt extendenda, quandoquidem hæc nunquam exclusa intelligitur, nisi expresse dicatur. *Rosenthal. c. 9. Concl. 97. n. 37. Bursat. consil. 23. num. 21. & seqq.* & quotiescunque lex vel statutum simpliciter omnem præscriptionem excludit, in iis casibus, in quibus longissimi temporis præscriptio locum habet, intelligitur omnem

omnem praescriptionem, praeter eam cujus in contrarium memoria non exstat, excludere. *Schrader. p. 5. cap. 4. num. 10.* & hoc modo verba illa : *Nullius temporis praescriptione impediende* : talem explicationem : *Nullius* scilicet determinati *temporis praescriptione impediende* : respuere haud videntur ; Sunt quidam, pauciores tamen, qui 100. annos ad praescribendum Feudum requirunt, sed hujus rei nullam video rationem, nisi haec centenaria praescriptio abusive pro immemoriali, quod interdum testante *Habn. in Not. ad VVesembec. tit. de Usurp. & Usucap. num. 4.* fieri convevit, sumatur. Hi autem qui neque centenariam neque immemoriam admittunt praescriptionem ; imprimis urgent, quod possessor rei feudalis irrequisito Domino alienatae non sit audiendus, cum ipsi jus commune resistat ; & ex hoc argumento *Rittersbus. lib. 1. cap. 18. quaest. 13.* videtur convincere voluisse Julium Clarum, quem centenariam praescriptionem admittere ibidem recenset ; Sed adhuc in quaestione est, an hoc casu praescriptionem scilicet immemoriam alleganti Jus Commune resistat, quod equidem nego, cum huic jus ulterius resistere non potest, quam quatenus praescriptio jure est prohibita, & cum immemorialis

non est sublata, nec eam alleganti Jus Commune resistere potest.

§. XV. Porro alii in ea sunt opinione, quasi feudum, non obstantibus dd. Impp. Constitutionibus, ab eo, in quem non requisito Domino à Vasallo alienatum est 30. annis praescribi possit nec distingvant inter Dominum Directum & utile. vid. *Gloss. in comm. d. cap. Conrad. Alvorat. ibid. num. 3. Gail. 2. observ. 160. Cujac. 4. feud. tit. 49. VVurmser. observ. pract. sub tit. de Feud. observ. 13. Peregrin. vol. 1. Consil. 18. num. 8. Molin. in Consuetud. Parisiens. tit. 1. §. 7. num. 13. Bursat. vol. 1. Consil. 46. num. 29. Ludolph. Schrader. vol. 1. Consil. 34. num. 48. Borch. 3. cap. 7. n. 13. Carpzov. 1. Resp. 84.* His quidem quoad dominium utile libenter consentio, *vid. supra §. 4.* & forsan quoque quoad directum certo casu consensui locus esse posset, si de praescriptione haeredum Vassalli, ad quos per modum successionis non vero alienationis feudum pervenit, contra Dominum lis ageretur; sed quia hoc instituti non est, suo loco remitto, & revertor ad ea, quae huc pertinent, nimirum ad praescriptionem feudi per Vassallum alienati, & statuunt mox citati Doctores, dominium directum à Vasallo alienatum praescribi 30. annis

annis ab eo in quem alienatum est ; pro qua sententia defendenda cum aliis enixe laborat *Carpz. d. l.* & hunc in finem imprimis quinque in medium profert argumenta, quae huc referre ac perlustrare operae pretium erit. Primo itaque urget verba textus 2. *feud. g. §. donare*, quae haec sunt : *Præscriptione 30. annorum Dominus submovebatur tam sciens quam ignorans.* Et exinde concludit, dominium directum à Vasallo alienatum præscribi 30. annis. Sed respondeo : (& ne quidem attingam id, quod hic textus probante rubro : *qualiter olim poterat feudum alienari* : de veteri jure, quod in ipso textu per inibi allegatam Constitutionem Lotharii innovatum dicitur, & quod verbum, *submovebatur* : in præterito positum satis satisque confirmat, & aliam hodierni juris decisionem involvit, loquatur) manifesto constare, hunc textum huc plane inapplicabilem esse, non enim agit nedum decidit de dominio directo ejusque præscriptione, sed de utili à Vasallo alienato, & dicitur ibidem, Domino post 30. annos non competere jus retractus sive sciverit sive ignoraverit alienationem ; Posito etiam sed non concessio per consequentiam hunc textum ad præscriptionem domini directi trahi posse, ultra tamen feudum

dum alienabile extendi non poterit, hoc enim si Vassallus alienat, dominus refuso pretio retrahit, quod in feudo regulari & non alienabili opus non habet, sed ex capite felonix nullo dato pretio vindicatio Domino permixta est & competit; quo casu si jure retractus uteretur, inepte faceret, & sibi ipsi præjudicaret solvendo id quod gratis habere posset.

§. XVI. Secundam, quam facit, objectionem ex lege sicut. l. omnes. l. cum notissimi. Cod. de præscript. 30. vel 40. ann. quæ omnia jura & actiones sive sint personales sive reales 30. annis præscribi volunt, desumit; sed ad hanc supra §. 10. jam respondi, cui adjicio, quod nulla regula sit tam firma, quæ non habet suas exceptiones; & imprimis Rittersbus. lib. 1. cap. 18. quest. 15. sibi ipsi hanc objectionem movens, optime regegit: *Hanc regulam intelligendam esse de illis rebus præscribendis, quibus antea nulla fuerat præfixa meta, non autem trabendam ad eos casus, quibus expresse inhibetur & vetatur præscriptio, ut in feudis constat prohibitam per Lotharium & Fridericum: Atque ita species quidem generi, non autem genus speciei derogare potest.* Ex eadem ratione tertia objectio, quæ à servitutibus desumta & quarta, quod scilicet

cer

cet omne vitium rei inhærens 30. annis præscribatur, vim probationis amittunt; licet enim regulariter omnis servitus 30. annis acquiratur & amittatur *per l. 10. ff. si servit. vind.* & regulariter omne vitium 30. annis purgetur, ubi tamen quædam servitutis species eximitur, ut in feudis fit, ibi hnic regulæ locus non est; & ipsum quoque Jus Romanum ab hac regula varias res excipit imprimis Ecclesiarum aliorumque piorum locorum omnia jura, quorum nomine sine dubio etiam servitutes veniunt, quas 40. demum annis præscribi statuit. *l. 23. cum auth. seq. Cod. de S. S. Eccles.* Denique, & quinto, non obstat: quod, sicut Dominus contra Vassallum Dominium utile 30. annis, ita Vassallus eodem temporis spatio dominium directum contra seniores præscribere possit, etenim non tantummodo inter rem ipsam dominium scilicet utile & directum magna intercedit differentia, sed etiam personæ hæc præscribentes diversis juri- bus & privilegiis gaudent, quo casu illatio & argumentatio à contrario nihil operatur, alioquin hoc modo Fiscus, Ecclesia, Respublica aliaque loca pia nihil præscribere possent, nisi 40. annis, & ulterioris temporis spatio, quod absurdum foret.

§. XVII.

§. XVII. Sed quid tandem hi, quorum hæc est sententia ad verba illa : *Nulla obstante præscriptione, Nullius temporis præscriptione impediende* : respondent ? Dicunt *cum Gloss. ad h. textt.* has constitutiones agere de longi temporis 10. vel 20. annorum præscriptione, & propterea hanc quidem contra Dominum Directum non valere, tricennalem vero nullatenus exclusam esse, volunt : Verum hæc explicatio, nisi vis aperta verbis inferatur, defendi nequit, talem enim restrictionem hæc verba generaliter concepta non admittunt ; Nam, quando Jus Feudale aliquam excludit præscriptionem, ea exclusa videtur, quæ alias ex moribus Longobardorum in præscribendis feudis obtinet, jam vero non ignotum est, & ipsi dissidentibus fatentur *vid. Gloss. in text. 2. feud. 87.* in omni præscriptione Feudali ad minimum 30. annos requiri, adeoque si mores Longobardorum aliquam præscriptionem excludunt, hæc tricennalis exclusa intelligitur, hæc enim nulla intercedente prohibitione vim præscriptionis habet. Deinde, quomodo dici potest hic excludi longi temporis præscriptionem, cum tamen hæc plane incognita sit Juri Feudali, ignoti autem uti nulla cognitio ita nulla exclusio ? Sane nullo modo. Regerunt quidem

quidem dissentientes ad hoc : Constitutiones
has vim præscriptiones impediētes ab Imperato-
ribus Romanis esse latas, quibus hujus Juris ordi-
naria præscriptio 10. vel 20. annorum non fuisset
ignota : sed hæc præsumta Imperatorum scientia
non sufficit ad probandum, per verba : *Nullius
temporis &c.* 10. tantum annorum præscriptionem
indicari ; quid si illis objiciam, hos Imperatores
Juris Feudalis æque ac civilis cognitionem habuis-
se ? quod nemo facile negabit, nonne hoc casu
præsumptioni locus erit eos locutos fuisse secun-
dum indolem & stylum ejus juris de quo disposu-
erunt ? quod utique affirmandum censeo. Præ-
terea quoque, si hæc esset mens constitutionis Fri-
derici, hæc plane supervacanea foret, quod tamen
Imperator : *Nos, inquit, in meliorem rei utili-
tatem providentes* : omnino non voluisse ipsemet
testatur.

§. XVIII. Adhuc unicum ita sentientes
adducunt, & objiciunt : *Credendum non esse, Ro-
manum Principem, ad cujus officium pertinet jura
tueri, verbis illis generalibus (nulla obstante præ-
scriptione) totam observationem de præscriptione
longissimi temporis, multis vigilis excogitatam e-
vertere & verbis illis generalibus præscriptionem*
D infini-

infinitam esse voluisse. Gail. 2. observ. 160. Sed hoc ad rem nihil facit, siquidem perspicuitas verborum mens & intentio totius constitutionis omnem dubitationem tollit, legentem de seria Legislatoris opinione convincit, & certissime testatur Imperatorem tantis vigiliis excogitatam præscriptionis materiam Domino feudi quoad Dominum Directum non obstare, serio sanxisse; quo casu recte dixeris: sicut omnis legis constitutio à voluntate Legislatoris dependet, ita ejus abolitio eundem autorem habet.

§. XIX. Sunt adhuc alii, qui volunt Dominium Directum præscribi 30. annis, si Dominus alienationem sciverit, sin secus non præscribi, sed hujus opinionis solidam rationem non deprehendo, constitutio enim Friderici nullam qualitatem in domino feudi desiderat, nec ex hac ratione distinctionem & limitationem quandam facit, adeoque nec nos eam facere debemus, sed ad impediendam præscriptionem sufficere statuit, si alienatio facta sit collusione quadam; Alii, alio modo distinguentes, negant illum, qui causam immediate à Vasallo habet, 30. annis præscribere, tertium vero possessorem qui causam possessionis non ab ipso Vasallo sed alio habet præscribere; sed

sed nec hæc distinctio nodum solvit, *vid. §. 5.* etenim feudo absque Domini consensu alienato vitium inhæret, quod cum re ad tertium & ulterio-rem possessorem transit, quodque purgari nequit, nisi tanto tempore cujus in contrarium memoria non extat.

§. XX. Restat postremo *Siruv. cap. 13. lb. 10. n. 4.* distingvens inter bonæ & malæ fidei possessorem, qui hunc nunquam, illum vero 30. annis præscribere defendit; & hæc opinio cum omnibus Juris Feudalis textibus, insuperque cum constitutione Friderici convenire videtur, cum hæc tantum de aperta mala fide loquatur, quod ex verbis: *quadam collusione*: constare potest; & fateor hanc explicationem assensum fere consecutam fuisse, nisi hoc unicum obstarat, quod Imperator *per dict. Constit.* Dominis feudi ita prospicere voluisset, uti ipsis antea prospectum non erat, nihil vero novi Imperator constituiisset, nec pingviore remedio contra præscriptionem Dominis feudi prospexisset, si mala fide præscribentem solum repellere ejus intentio fuisset, nam consuetudines Longobardicæ nullam jam antea admittebant malæ fidei præscribentem, quod §. 6. evictum est, adeoque sentio non simpliciter de malæ fidei possessore hanc constitutionem interpretandam, sed certo modo ad bonæ fidei possessorem extendendam esse.

COROLLARIA.

I.

Pena incestus inter ascendentes & descendentes commissi, quoad sexum fœmineum Jure Communi non est capitalis.

II. Mutatio religionis in meliorem non est turpis, adeoque hæres sub ea conditione institutus hæreditatem non capit, nisi impleat conditionem.

III. Probabilitas litigandi non liberat victum à refusione expensarum.

IV. Filius non potest revocare feudum à patre alienatum.

V. Absurdum est, usumfructum filios familias relictum, etiam post mortem hujus, apud patrem remanere.

VI. Iniquum fere est, hæredem, absque beneficio inventarii adeuntem hæreditatem, constringere ad æs alienum defuncti solvendum, ultra vires hæreditatis.

VII. Immortalitas processuum non descendit ex Jure Romano.

VIII. Sponsalia de præsentis vulgo dicta, etsi publica mutuo consensu dissolvi possent, nisi Juris Pontificii erronea ratio obstaret.

SOLI DEO GLORIA.

